

燈還太陰 光附景生 日月二真 與我合平

回向

伏願邪心消滅不効死灰之復燃性地圓明

永並陽暉之洞照

靈寶无量度人上經大法卷之五十

靈寶无量度人上經大法卷之五十一同卷

燃燈破獄品

回耀降光儀

玄師曰盟真科有回耀降光之格儀除五累苦門開生死之業道破黑暗之罪庭法

用梓木作輪如車軸之象上一層燈一十

二椀中一層燈一十六椀下一層燈二十

一椀共四十九椀中央五累苦門各立牌

書寫諸獄名目依迴耀燈儀仍造四十九

口小繡幡黃白之色互相交間上書諸天

尊取函取號於幡首朱書破鄴都符法師

宣懺燈儀大法師持策杖左手持玉清訣

右手執杖隨懺儀至案獄所車立策杖念

大梵隱語以柳枝淨水洒之就燈焚化小

繡幡如此諸獄罪竟乘此陽光應時解脫

諸苦斷除五累煩惱惡障徑離塵勞之業

根又於輪之東西用絲絲三十六尺連長

幡一音幡頂捺金作泥書中十之形幡身

用墨大篆回耀靈幡四字空三字書轉輪

聖王天尊左手彩畫日形書太陽鬱儀帝

君六字右手彩畫月形書太陰結璘聖君

六字兩足分書回耀頌曰

回耀紫微宮

曲映九幽戶

峨峨在寒池

回照廓冰浦

炎炎烈火獄

霏然洒法雨

拔度長夜鬼

上登朱陵府

此科乃洞玄之禁典若非妙行啟請宣示


則下世豈得聞見能回三景之暉曲降九

泉之戶使水火消滅毒苦金刀摧挫惡鋒

鐵城鎔解鬼官罪考滅萬劫之罪對拔億

萬之窮竟觀此三光偃生人天

梓輪



蔡致虛路時中儀不用梓輪以沙為之外
方內圓徑九尺凡三重如車輪樣第一外
圓二十四幅第二中圓十五幅第三內圓

九幅當中立廻羅靈幡一首燃燈一盞內
圍九幅燃燈九盞於燈後立三惡門三尸
道三徒界標榜中國十五幅燃燈十五盞
於燈後立五累五道五苦門標榜外國二
十四幅燃燈二十四盞於燈後立一十四
獄標榜

內圍標榜九

色欲門 元靈隱耀天尊

上尸道 威光齊際天尊

天徒界 普照幽冥天尊

愛欲門 隨機赴感天尊

中尸道 虛皇普濟天尊

人徒界 大慈救苦天尊

貪欲門 慈悲救度天尊

下尸道 無邊普度天尊

地徒界 法力超昇天尊

中國標榜十五

人道 元洞玉晨天尊

色累苦心門 普光弘濟天尊

太山地獄苦道 弘慈廣濟天尊

神道 通光普照天尊

愛累苦神門 法輪開化天尊

風刀地獄苦道 靈源普潤天尊

鬼道 慈悲惠愛天尊

貪累苦形門 神光廣被天尊

槌山負石苦道 玄上玉華天尊

地獄道 寶光通照天尊

華競苦精門 玉清玄上天尊

作江河苦道 慈恩萬善天尊

傍生門 金華慈惠天尊

身累苦克門 玄明梵行天尊

吞火食炭苦道 玉真隱韻天尊

外圍標榜二十四

監天地獄 廣常慈愛天尊

玄沙地獄 普垂妙澤天尊

無上地獄 開度無量天尊

太真地獄 光明寶華天尊

虛無地獄 隨劫救苦天尊

火庭地獄 尋聲救苦天尊

毒刃地獄 無邊普濟天尊

寒夜地獄 九幽拔罪天尊

律令地獄 妙化無邊天尊

風刀地獄 廣常覆護天尊

九幽地獄 金華廣種天尊

刑正地獄 聖力無邊天尊

太平地獄 廣大慈悲天尊

清沼地獄 無極快樂天尊

玄陰地獄 輪轉萬變天尊

天玄地獄 廣度沉淪天尊

天一北獄 高皇玉晨天尊

三十六天獄 高靈最妙天尊

元正地獄 慈教廣度天尊

河伯地獄 普垂惠澤天尊

禁罰地獄 廣大無邊天尊

黃天地獄 大弘普濟天尊

累劫地獄 隨念往生天尊

女青地獄 開度宿障天尊

三徒


天徒散形

山自 三惡陽光 三惡地帶 三惡

定慧雷根 德契玄無

混化 善寂 法輪運轉
變生 疑虛 水免天竺


玉清開光寶符付 天徒驅雷役電官



右寶錄符命告下落滅色根惡道靈官奉為
亡過夫斬除上尸斷絕天徒界上尸道色欲
門免天官奔雷逐電之役一如
告命風火驛傳


具位 年 月 日 時告下 姓 告行

地徒散形



九炁 六字 脫彼
華教 澄瀾 地徒


玉清開明寶符付 地徒擔沙負石官




右寶錄符命告下落滅愛根惡道靈官奉為
亡過夫斬除中尸斷絕地徒界中尸道愛欲
門免地官擔沙運石之役一如
告命風火驛傳

具位 年 月 日 時告下 姓 告行

水徒散形



玉清開太寶符付 水徒連汲演波官



右寶錄符命告下落滅貪根惡道靈官奉為
亡過夫斬除下尸斷絕水徒界下尸道貪欲
門免水官連汲演波之役一如
告命風火驛傳

年 月 日 時告下

具位 姓 告行

右三符並用黃紙朱書符白素書告文指
三徒訣存三官立於左右並降真炁入符
中畢用靈寶大法司印印之焚於微燈前
焚時拍上帝訣誦呪曰

玉清寶符 元始敕行 幽徒索命 三官解形

赦除閉繫 斷役消名 隨品變化 萬神奉行

誦畢別訣焚道君敕焚救時兩手並

玉清訣捧符於心誦呪曰

玉清上帝敕救上清大帝敕救太清上帝敕

救救命十方靈寶救苦天尊朱陵上帝朱陵

府神君南極長生大帝九天監生大神受度

亡過夫冤神玉皇有敕上奉道君救救十方

三界罪寬光散九幽流香滿庭唵吟噓囉


娑婆誦薩訶急急如太上道君救救律令

三尸符


世科度靈有新三尸度五苦門儀並本上清洞真部元始譜錄太真玉訣云夫學上法宜違諸欲落滅惡根遣自然降仙自然成當兼變景沈光玉符依文施用即度三塗五苦符是上尸符青書玄素中尸符黃書白素下尸符白書白素色累門符墨書白素愛累門白書白素食累門赤書白素華燒門青書白素身累門黃書白素其新上尸符第子著頭上中尸心中下尸及五苦符並著兩足於三惡門下叩齒九通而呪之即世科上尸彭瑤中尸彭質下尸彭矯三呪是也本經元呪今宗壇受上清寶籙則為之太上符法雖云神化无方濟死亦可度生然新三尸呪用於亡者其間未免有室碍處今故刪去而是落滅三惡飛度五尸靈官自屬玉清靈寶大法隨訣召降宜通符命開度亡竟則於理為可行



上尸



中尸



下尸



五苦

第一色累苦心門符




妙哉元始 曲吹九曲 性悟神飛



玉清流大寶符

帝然 攝澤一本作攝 成施 滿成原




玉清寶籙符命告下飛度色累尸靈官奉為亡過美斷絕色累苦心門免泰山地獄苦道之難一如告命風火驛傳

第二愛累苦神門符



神生 自起

玉清流精寶符



玉清寶籙符命告下飛度愛累尸靈官奉為


亡過矣斷絕愛累苦神門免風刀地獄苦道之難一如告命風火驛傳

第三貪累苦形門符

阿羅 光明 玄景山制會
混問 耀衛山野山

龍漢 玄上 勿涉苦津
梵炁 虛問 滅去凶殘

玉清流景實符




玉清靈寶符命告下飛度貪累戶靈官奉為
亡過矣斷絕貪累苦形門免擔沙負石地獄
苦道之難一如告命風火驛傳

第四華競苦精門符

破暗 靈輝 斷除 駕景
燭幽 九丘 華競 空浮

玉清流霞寶符




玉清靈寶符命告下飛度華競戶靈官奉為
亡過矣斷絕華競苦精門免填河灌瀆地獄
苦道之難一如告命風火驛傳

第五身累苦魂門

八芒 身累 永度
祭數 推祖 斷滅 三塗

玉清流輝寶符




玉清靈寶符命告下飛度身累戶靈官奉為
亡過矣斷除身累苦竟門免吞火食炭鑊湯
地獄苦道之難一如告命風火驛傳

符各用青紙朱書封角迷門焚之指上
帝訣存身為靈寶天尊以炁吹之
焚符誦呪

玉清寶符 元始妙章 隱玄幽象 妙達群陽
變陰作直 靡賢停殃 消除五累 飛度南宮
皇人曰夫修真之士若能為庚申甲子之
日書於黃素服之可以去三尸逐五苦也
後學之士謹而行之遇真者日矣


八難

鐵林符




靈寶符命拔度亡過未出離鐵林地獄乘此
陽光得生人道中常獲聰慧一如告命准靈
寶大法律令

刀山符




靈寶符命拔度亡過未出離刀山地獄乘此
陽光得生人道中證男子身常辭五濁一如
告命准靈寶大法律令

銅柱符




靈寶符命拔度亡過某出離銅柱地獄乘此
陽光得生人道中形體完全具足十一十相一如
告命唯靈寶大法律令

鑊湯符



靈寶符命拔度亡過某出離鑊湯地獄乘此
陽光得生中華之國為豪盛長者身一如告
命唯
靈寶大法律令

爐炭符



靈寶符命拔度亡過某出離爐炭地獄乘此

陽光得生人道中值有道德君理治之世一如
告命唯

靈寶大法律令

鐵輪符



靈寶符命拔度亡過某出離鐵輪地獄乘此
陽光得生人道中獲稟命慈仁之惠一如告
命唯

靈寶大法律令

鋸解符



靈寶符命拔度亡過某出離鋸解地獄乘此
陽光得生人道中長值國土太平之世一如
告命唯

靈寶大法律令

寒冰符



靈寶符命拔度亡過某出離寒冰地獄乘此
陽光得生人道中常與三寶相遇未證仙階
之職一如告命唯靈寶大法律令

書八難符呪曰

天尊救群迷 超度離八難 慶會人道中
五苦一時送 永滅三塗津 輪煥法周範
希衷養嬰童 浩劫無窮限

右符用綠紙白書指上帝訣書成逆獄門
焚之焚時誦呪曰

靈寶玉符超凌八難度脫窮幽得證彼岸大
道幽微陽光燦爛獲人道中發大讚嘆一如
告命唯靈寶大法律令

玄師曰謹按清微寶格曰陰功有德超祖
考陽德顯然福一身何不立功救無間自
然天帝賜子真亂巨賊子永沉淪猶依殊
澤化昆蟲九年諾天稱悅慶白日乘雲朝
玉清無間者幽陰苦矣也夫幽陰考治之

密旨各有攸宜凡世之四生六道輪轉生
死無有休息若非超生三界體入自然焉
能解輪迴之苦且人道至於戎蠻夷狄正
化不及日月不照之地但有三業六根五
累者皆生人也晉統於北天北天有三官
鬼官之主非清冷青華紫衝三官也此之
三官專主三考報對身業重則大官考心
業重則錄官考口業重則水官考若六根
三業俱重則風刀考也
人之生也父精母血凝骨孕肉而化生形
質胎胎養育十月全儀太微降炁生神風
性隨化寬識方始生成為男則天享有位
為女則元君有稱但緣三業自造六根牽
纏數盡歸空隨業受報肌肉沉於土壤寬
神解於雲鄉非宿世而橫亡社念都土主
閉係長夜永無出期儻若完業酬還徑使
歸於鬼都萬劫亦未超生或罪多而功少
歷五苦而始有托化之漸設若功多罪少
經一塗畢而仗證輪迴之福罪功俱鮮遂
業報生无功罪大萬劫沉淪或大官考則

銅柱鐵牀金汁爐炭火濠反河之車鏡湯
之報或水官考則冰池寒塘毒蠶穢臭之
報或錄官考則金鏈鐵杖之報或風刀考
則屠割錮解飛戈飄戟拔舌犁耕迅雷烈
風八達交刃割切身心刀山劍對分解形
體火火毒蛇穿嚙骨肉燃骨燒皮灰粉神
軀晝夜之中萬生萬死業風吹洒應時復
形罪若淺薄苦盡化形尚猶不失人路多
生卑賤不具相貌之人或生四極或狹夷
蠻之域罪重業輕生為六畜之形十世五
世再循人道若也罪業重大風刀考掠之
後散飄神魄飛騰萬方隨其胎卵濕化四
生分形微細昆蟲永無再生人身之路更
有罪業少而過名大者備經三塗五苦之
後方入餓鬼之門再生劫運拘為長夜之
徒擔沙負石連汲演波驅雷役電之後托
生鬼道醜惡之報億劫之中永沉陰冥於
是幸女子鄴郡記云有胎生之鬼是此也
既生人世舉足動步惟罪是修意志情累
皆為根業善事善業彼求報此惡事惡業

此求報彼一失人身便有此境至於鄴郡
北帝降陳尚云先緣不幸身任冥司動經
億劫不覩光明况其下鬼罪呢乎是以遵
承太上慈訓示此因緣使學士觀此苦報
首趣體太上慈悲之念發慈悲之智慧行
慈悲之法門證慈悲之妙道使苦矣獲慈
悲之恩德豈不樂哉是故祖師起救苦度
人之法門百千萬篇作苦海之舟楫為成
真之徑路凡是學士發斯慈心者慎无曠
慢

靈寶无量度人上經大法卷之五十一